



## 莊下賁賁个人情味

「阿伯，借問討去橋頭新吉莊愛仰子行？」，一個老阿伯真熱心講「對這直直去，攞過第二個岔路倒幹，了後到位莊頭正攞人問下，人即會攞你報路。」這即係係高中出業後第一回自家騎引擎去同學屋下个經驗。阿依講「路生在嘴」毋知路即好禮攞人問，自然即尋會著。尤其係在莊下，無路號，逐條路又攞彎彎曲曲，幹來幹去，毋知騎到哪位？這時務即靠好嘴攞人問路。莊下人攞真熱心替你報路，有時務，驚你尋無，攞真好心替你渡到位。這即係莊下賁賁个人情味。

屋下巷路不時攞有人送來無共款个菜，得俚人屋下省真多菜錢。這兜攞係屋邊、親戚送个。在莊下，大家收入少，為著省菜錢，在田頭攞會留一料土地種一兜菜自家食。像韭菜、薤菜、飯匙菜、鵝菜，溝嶼搭一個菜棚種薤薤，溝底種茭白筍，屋嶼邊金瓜、冬瓜這兜。若食毋會去，逐儕即會提來提去。雖然自家無種恁多種，毋過嘛不時食會著無共款个菜。成過个人猶會鬥蒔田割禾、鬥種瓜捋瓜、鬥割菜。大家無計較，哪火灶生活較毋會得過，大家雖然無好額，嘛會盡量幫助佢人。這即係莊下人个善良和熱心，這兜攞係臺灣頭寶貴个物件。

當係讀高中个時，莊底識有人禾稈墩著火，嘛有人火燒屋，這時務，毋使人喊，毋使人拜託，歸莊个人有人環水桶、有人背農藥桶、有人牽水笕、有人擎鐵鍬，逐儕作埕來打火。當消防車來个時，火即得人打么去。甚至在遐個偷牽鐵牛个年代，莊底个放送頭一喝有賊入莊底个時，逐火灶攞派人出來，擎畚擔、畚釧、手電火組隊巡莊，保護莊內个平安。

莊底有人鬧熱渡新婦，討辦桌，屋邊做一下來鬥相共，搭布篷、借八仙桌、長凳、排桌，進前遐夜，屋邊親戚渡來食閒頓，大家歡歡喜喜食飯講事，細子嘛暢到走來走去，歡喜得天。講著新郎和新娘係哪儕紹介个，仰子行个，逐儕若像係辦自家个喜事恁歡喜。這兜點點滴滴攞留在大家个心肝底，牽起大家賁賁个人情味。

作者：李秉璋

### ☆詞彙學習☆

【倒幹】dooˊ bbadˊ：左轉。

【報路】booˊ lu：指明行走的路線。

【引擎】enˊ rhinˊ：機車。

【好禮】hooˊ liˊ：抱持禮貌的。

【路號】lu hoo：道路、地名的標識。

【好嘴】hooˊ zheˊ：形容人嘴巴甜，說話有禮貌、好言好語。

【巷路】hong lu：三合院中「正身」與「橫屋」間的通道。

【飯匙菜】pon shiˊ coiˊ：荳蔻菜，就是葉用甜菜，俗名又叫牛皮菜、厚皮菜。

【鵝菜】ngooˊ coiˊ：萵苣。

【薤薤】lon zeˊ：絲瓜。

【捋瓜】looˊ guaˊ：採瓜、摘瓜。

【鐵鍬】teedˊ cabˊ：用以耙土、草或堆肥的鐵製長尖形四齒耙子。

【打么去】daˊ iaunn kuiˊ：將火撲滅。

【放送頭】biongˊ sungˊ teuˊ：村莊裡頭對全莊村民廣播的擴音器。

【畚釧】bunˊ ciamˊ：一種用來插送堆肥或雜草的四齒農具。

【布篷】buˊ pungˊ：大帳篷。

【食閒頓】shiedˊ heenˊ dunˊ：結婚宴客前一天晚上宴請鄰居及事先回來的親戚。

【行】hangˊ：指男女相互交往。